

Reg. No. 386 (MZ)



MARYMA

“YMA thuvawn: YMA chu tanpui ngaite tanpuitu a ni”

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Ramhlun North: Ni 16 August, 2025



(Executive Meeting Vawi-8 na)

Ramhlun North, the 16th August, 2025: Ni 15.08.2025 (Zirtawpni) zan khan Ramhlun North Branch Executive Committee meeting neih a ni a. Thurel tlangpuite hetiang hi a ni-

■ YMA General Conference-ah Branch Zaipawl neih ngei nise kan ti a, a lo buaipui turin Music Sub Committee ruat an ni. Zaipawl bakah Special Item pawh neih ni se kan ti a, a buaipui turin Branch OB leh Music Sub Committee OB te ruat an ni.

■ Executive Committee member leh Section Committee bakah Sub-Committee hrang hrang te Intuaitharna hun Ramhlun Indoor Stadium-ah August ni 29, 2025, zan dar 8:00-ah neih tura ruahman a ni a, Programme hi OB te kutah dah a ni.

■ Vanapa Section-ah member thar pariat (Mipa 4 leh hmeichhia 4) an awm a, an vaiin 1032 an ni ta.

■ Chawngbawla Section Committee member atan NI. Lalduhzuali leh Tv. C. Lalhuntluanga ruat that an ni a, Saizahawla Section Committee member atana Tv. PC Malsawmzuala te ruat thar an ni.

■MARYMA Agent atan Tv. Anison Lalnunngila, T-Sec. leh Tv. Lalruatfela, V-Sec te ruat thar an ni.

■ Library Sub Committee-in Training leh Intuaitharna an neih turah Branch Executive Com-



Ramhlun North Cricket Academy

mittee te telpui tura min sawmna kan dawn chu a thei theiin telpui ni se kan ti. Library Sub Committee-in an hmalakna leh bungraw thar an neih te report a ni.

■ Ramhlun North Beautification Club (RNBC)-in thlanmual hluia pangpar chin leh a chi theh an dilna chu remtih a ni a, chutihruai chuann YMA-in a mamawh leh a tul a tih chuan a khawilai a mi pawh a senghawi thei ang.

■ Central YMA atangin Hulhliap Short Stay Centre mahni veng mi lutte an chhuah leh hnua ngaihven zui chungchang lehkha kan dawn chhiar chhuah a ni a, a tul anga a buaipuitute enpui leh tawiawm ni se tih a ni.

■ Mitthi kan neihein a hma thei anga tlangau thin ni se, ruangin in a thlen hma pawhin au tawh thin ni se tih a ni.

■ Central Anit Drug Squad tanpuina atan Rs 10,000/- pek nise tih a ni.

■ Kan veng mi NI. Lal̥thazami boral chungchanga Reiek Branch YMA ten an lo buaipuinaah branch hmingin lawmthu sawina thawn ni se ti h a ni.

August ni 9, 2025 (Inrinni) zing khan Dr. Vanlalhlana, bialtu MLA, chuan Ramhlun North Cricket Academy training a chhim a, MLA fund atanga siam ‘Cricket Practice Cage’ leh bungraw dangte hawwna hun a hmang baw. MLA hian Cricket Academy zir laite hnenah thusawiin, hlawhtling tur chuan tih tak tak na, tumruhna leh taimakna a pawimawh thu a sawi a, zir laite chuan an tum ram thleng tur chuan inthunun theihna an neih a pawimawh thu a sawi baw.

Ramhlun North Cricket Academy-ah hian naupang active taka kal mek mi 25 an awm a, Coach, Assistant coach leh Academy Committee te kaihhruaina hnuaiah Thawhlelni, Ningani leh Inrinni zingah te RSC field-ah class neih thin a ni. Ramhlun North Cricket Academy atang hian Mizoram Cricket Academy a kal tura thlan zirlai 6 an awm tawhin Mizoramw aiawha fehhuak pawh an awm tawh nghe nghe a ni. Ramhlun North Cricket Academy chungchang hriatbleh duh tan Pu John Lalrindika Ralte, 8415852272 (Chairman) leh Pu K. Vanlalrova 9862300713 (Secretary) te biak theih reng an ni.

Ramhlun North Cricket Club chu Cricket Association of Mizoram season thar atan nasa takin a inbuatsaih mek a. Player ziahluhna hun hawn mek niin, vengchhunga senior player te bakah Ramhlun North Cricket Academy atanga inzirchhuak mi engemawzat register turin RNCC Scout Committee chuan hma a la mek a. Heng bakah hian squad tichak lehzual turin vengpawm player pawh la turin hma an la mek a ni. Season liamtaah khan Academy leh Senior team te hian tournament pali khelin Rs 1,00,000/- chuang an hlawhchhuak a, hemi atanga pawisa hlawhchhuah hi academy mamawh leina atan leh Club enkawlina atana hman a ni.

Ramhlun Noth Cricket Club hi kum 2021 khan din a ni a, hemi hma hian Ramhlun Sporting Club leh Vipers Cricket Club ang te in kan vengah hian Club a lo awm tawh thin a. 1st Division huangchhungah pawh RSC angin sulhnu chhianchhiah tlak tak tak a lo hnutchhiah ve tawh a ni. Cricket Association of Mizoram (CAM) Board of Control for Cricket in India (BCCI) hnuai member a nih hnuin dan leh dun mumal zawk a lo chhuak a, RSC hruaitute hmalakna leh ruahmanna siampui angin Ramhlun North Cricket Club hi din a ni. Kum 2022 khan CAM hnuai division club ni thei tur zawnna "Non-League Playoff" ah champion nghal in 3rd division club a ni chho ta a ni.



Sports

Khawvel mipui tamna ber India ramah hian Sports hi ngaihhlut a hlawh tawk lo hle a, hun awl hnawkhahna chikhat lekah ngaihna a lian hle. Sports leh zirna kalpui phei chu kan la hrethiam pha chiah lo deuh niin a lang. Zirlai tam tak pawhin Sports kan hmuah dan leh kan khelh dan hi intihhlamna chikhat leh zirna nen a kalkawp tir theih loh niin kan ngai tlangpui.

Kan rama education kalphung hi lehkhah zir ngawr ngawr hi a ni deuh ber. Taksa sawizawi leh inkhelh ai chuan mark hmu tha tura inzirtir hi kan uar nasa a, heihian kan nunphungah a tuh ngeth tawh viau mai. School, College leh University thlengin Sports-a tan hmun, hmanrua leh bungrua hrang hrang te kan nei fer fur a, a nihna takah chuan hengte hi chu kan zir loh kara intihhlamna tur ang chauhah kan hmang a ni ber. Hei hian Sports kan ngaihhlut tawk loh zia leh a ken tel; thawhhona tha, hruaitu ni tura inzirna leh inthununna mai bakah kan rilru thlenga sawizawitu anih zia kan man fuh loh vang a ni.

Kan ram hi khawvel huapa intihsiakna hrang hranga kan hniam zia kan hre awm e. A chhan ber nia lang chu a bulthum atanga inzirtirna tha kan neih loh vang a ni. Sports lama hming chher tur khawpa naupan lai atanga thiam leh tha pawh Sports lama kal ai chuan lehkhah zirna lama insawrbing kan thlang zawk ta zel a nih hi.

Zirna leh Sports hi a kalkawp tir theih a ni tih kan hriat a ngai a. Khawvela school tha a ni emaw college emaw university thleng pawh ni se, langsar tak tak ho hi hetiang lam tuiptui leh kalkawp tir thiam an ni deuh zel. Kan thil lo intuhngheh tawh te pawh hi thiah a ngaih chang a awm thin a, chumi tur chuan hun pawh a duh deuh ang. Sports hi eizawwna tling khawpa kan vawrh lar thiam a, a inzirtir leh a hmanrua thleng pawha hmasawwna kawng kan zawh chuan kan ram pawhin hma a sawn ngei ang.



KHAWTHLIR

PAWIIH THLAK KHAM

He kham hi Lungmawi khaw bul, Bualpui khawchhuah lawka awm a ni a, kham sang leh ropui pawh a ni lem lova. Nimahsela a hming put chhan lam hian chanchin ngaihnaawm tak leh Mizo History pawha pawimawh tak a ken avangin chipchiar deuh hlek in han thai lang ila.

Hmanlai thil leh thing leh raw innawh lai hun daih ami a ni a. Kan pi leh pute ho kha indo ta reng reng an ni a, an vela hnam dangte nen chauh pawh ni lovin Lusei lalte ngei pawh kha anmahni leh anmahni an indovin, inrunna leh inthahna rapthlak tak tak pawh an inkarah a chhuak ve fo thin a ni. He kham pawh hi Lungmawi khua-a Halkha Lal Thanghlianga leh a hote Lusei hovin an rawt vak tuma an mithahte ruang phum lova an thlakna a nih avangin a hmingah Pawih Thlak Kham an ti ta a ni. Hetih hunlai hian Halkha Pawih leh Lusei ho inkarah indona leh inrunna a nasa hle thin a ni awm e.

Halkha lal hmingthang leh pasaltha huaisen Thanghlianga leh a khua leh tuite chu ral hrat tak mai an ni a, Lusei ram lam khuate chu an duh hun hunah an rawn runin, an duh apiang an la mai thin a. Lusei lam chuan an ngam lo deuh thin a ni awm e. Anmahni tih dan takah phei chuan, "Tlaiberh bu i la ang u," an ti mai thin a ni awm e. Chutiang a nih avang chuan Lusei lam chuan hun remchang chuh a, inpun khawm chiam a, an lo kal leh huna rawt vak an tum deuh ta a ni.

Nikhat chu Thanghlianga leh a pasaltheate chuan Lusei lama, Pi Dari khua an tih mai hi run tumin ro an rel a. A Lal in kawtah chuan, a khaw mite nen an run dan tur vel te chu an han sawi vel a, an hlim tlang hle. Tichuan, an run ni tur a lo thlen chuan, Thanghlianga leh a khuate Pi Dari khua run tur chuan an thawk chhuak ta nguai nguai mai a ni. Mi thenkhat sawi dan chuan hemi tuma Pi Dari khua an tih hi Kawrthah khua niin an sawi a, an lo hawng lam chu Lungmawiah hian an lo rawt ta a ni an ti a. Thenkhat sawi dan ve thung chuan Lungmawi hi Pi Dari khia chu a ni a, Lal hmeithai a ni a, chuvang in a khaw hotu ang deuhvin an pasaltha Kawlkawhlha chu a awm niin an sawi a. A eng nge dik zawk hriat a harsa hle. Eng pawh nise an lo rawtna khua chu Lungmawi ngei hi a ni.

An tum ang chuan Pi Dari khua chu an zuk run ta a, an sialte chu an rawn kawi nguah nguah mai a. Chhipphir an rawn thlen

chhoh chuan Lusei lam chu Rolura thlahte an lo in chah khawm chiam a, Chhipphir ah chuan an lo awm khawm chiam mai a. Thanghlianga hote pawh chuan rawt chu an hlau ve deuh va, chuvang chuan riah pawh riak lovin thuang hnih ah an inthen a, an kal leh ta zel a. Ho khat chu an pasaltha pakhat Taikulha'n a hova, Manta zawl lamah an riak phei a. Thanghlianga hote erawh chu Lungmawi ah an phei ta a.

Lungmawiah hian khaw hotu ang deuha an neih Kawlkawhlha pasaltha a awm a. Thanghlianga chu a tum turin an ruat deuh nghe nghe a, a inah a thlen tir ta a.

Chutia, Chhipphira pung khawm hote pawh kha an rawn phei ve leh chu, Lusei lam chuan rawt tumna rilru nen an phiar tan ta a ni. Zu an inpui dur dur a, a rui thei ang bera hrai an tum a, anni lam erawh chuan in tha duh lovin chhuat awngah te an leih baw ru zel a. Thanghlianga leh a hote erawh chu an rui zo ta vek a. Chutih hlan chuan an silai kua ah tui an lo thun sak nghauh nghauh zel a. Zan lai pelh thlengin zu an inpui a, an mu ta hlawm a. Lusei lamin an lo tum lawk ang ngeiin khawvar dawn chuan an che ta a, mahni mikhual theuh tumah tiin an mikhual te theuh chu an bei ta a, an buai ta chur chur mai a ni. Chutia an han in run a, an han indo ta chu, tlente chauh an chhuak thei a, Lusei lam chuan an that mang thelh a.

Chuta dam chhuak thenkhat engmah chuh hman tawh hek lo, hmeichhe ho buh zing phur tak ngial pawh an tlan pel lawng lawng mai a ni an ti. "Eng ti zia nge ni ta," tia an han zawh pawhin. "I khuate'n min thlah zawh chu," tih pahin an sa himna tur zawngin an tlan chhe nasa e, an ti.

Hemi tuma an thahte hi an tam em a, an ruang chu 'Pawih Thlak Khamah' hian an thlak ta a, chumi avang chuan Pawih Thlak Kham an lo ti ta a ni. Tun hma deuh chuan a boruak te pawh hi a chhe deuh a ni chek ang chu tau meichher chhi kan tih hi khamah hian a awm fo thin nghe nghe a ni. Lallula hova Zopui khua-a Thlan tlang ho an rawt nen hian a hming a thang ve ve hle a. Mi thenkhat phei chuan an hriat pawl nuai thin a. Hemi hnu lamah hi chuan Halkha ho pawh hian mi run leh rawk chin a bang ta a ni.

COCO CAFE

Coco Cafe, Ramhlun North-ah thawk tur mamawh a ni a. Nula fel leh rinawm tak tan he mi number-ah hian a zawh fiah theih e.
Ph: 7005599262

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lahlpuia, Hmingthanazuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

**ZIN & HAW**

■ Pu Rorelliana, Treasurer RN YMA chhungkaw thila Shillong-a zin chu a lo haw leh ta.

■ Dr. Vanlalhlana, (Bialtu MLA), chu Independence Day hmanga Saituala zin chu a lo haw leh ta. Pu Mathlana hi an nu Pi Evelyn Lalhmangaihi, Pu C. Lalthanzama, S-Sec., Pu K. Lalrothianga, S-Sec., Pu Laldusanga, K-Sec, Pu R. Lalhlimpaia, T-Sec. leh Pi Lalhmachhuani, T-Sec. ten an tawiawm a ni.

■ Er. Rohmingliana (MLA), T-Sec. Kolkata leh Guwahati a hna thila zin chu a lo haw leh ta.

■ Nl. Lalmuanpuii, ECM Saituala zin chu a lo haw leh ta.

■ Dr. C. Lalrammawia, T-Sec. chu hna thilah Lungleiah a zin.

■ Pu P.B Lalrammawia te chhungkua, V-Sec. Kolkata-a inentir a kal chu an lo haw leh ta.

■ Pu F. Vanlalfela, C-Sec. chu a hnathawhna hmun Lawngtlai lamah a kal leh ta.

■ Pu Rothuama te nupa, C-Sec. chu New Delhi-ah inentir turin an kal.

■ Rebecca Malsawmtluangi d/o K. Lalchawimawia, K-Sec. chu a zirna hmun Kolkata-ah a kal leh ta.

■ Pi R. Lalbiaktluangi w/o B. Rozamliana, C-Sec. inentira New Delhi kal chu a lo haw leh ta.

■ Pi Vanlalneihi w/o Pu Khumsiaka, V-Sec. chhiat tawhna avanga Champhai kal chu a lo haw leh ta.

■ Pu Lalthanfala Khiangte te nupa, N-Sec. chhiattawh avanga Khawzawl zin chu an lo haw leh ta.

■ Pu F. Laldinsanga, K-Sec. chhiat tawh avanga Phuaibuanga zin chu a lo haw leh ta.

■ Pu Lalrinsanga s/o Pu Chhuanthangvunga (L) S-Sec. Hmarchaltlang a awmta chu a boral avangin a unau te leh thian tha, thenawm khawveng te amah vuina hun hmanga kalte an lo haw leh ta.

**LAWMAWM**

■ Pi T. Lalnunluangi w/o Richard Lalsangzela, C-Sec. chu Independence Day-ah Governor's Silver Medal a dawng.

■ Tv. Willie Lalhruaitluanga s/o RC Lalmuana chu Health & Family Welfare Department hnuaia Senior Grade of Mizoram Health Service (Specialist Sub-Cadre) ah a tling.

LEI PIAH LAMAH

Lalthazami, K-45

d / o

Tlangthanmawii, N-Sec. chu ni 12.08.2025 zing dar 9:10 khan a boral a, a ruang hi tlaivarpui anih hnuah a tuk ni 13.8.2025 chhun dar 12:00 ah Ramhlun North Thlanmual, Zemabawkah vuiliam a ni.



Lalrohlua,

K-34 s/o V.

Lalkima, K-

Sec. chu ni

12.8.2025

chawhma dar

10:30 khan a

boral a, a ruang

hi tlaivarpui a ni

a, a tuk ni

13.8.2025

chawhnu dar 2:00

ah Ramhlun North Thlanmual,

Zemabawkah vuiliam a ni.



Lusun khawhar chhungte thlamuantu Pathianin vengin awmpui mawlh rawh se.

**DAMLO**

■ Pu Rothangpuia, Vice Chairman LC chu a nuam sam lova, in lamah enkawl mek a ni.

■ Nl. M. Zomuanpuii d/o C. Biakzami, S-Sec. LRM Hospital-a zai chu a lo chhuak leh ta.

■ Pu C. Lalhmangaiha, C-Sec. Nazaret Hospital-a awm chu tunkar khan a lo chhuak.

■ Pi Lalnunmawii w/o Laltluanga Sailo (L), Ebenezer hospital atangin a lo chhuak.

■ Pu Lallungmuana, S-Sec. chu Synod Hospital, Durtlangah enkawl mek a ni.

■ Pi Zaitangmawii w/o RC Zauva (L), V-Sec. chu Nazareth Hospital-ah enkawl mek a ni.

■ Letticia Lalpeki d/o Robert Lalremruata, V-Sec. chu natna hrang hrang avangin in lamah enkawl mek a ni.

■ Pu Lalhlunthanga, N-Sec. chu Dengue vangin ZMC&H-ah enkawl mek a ni.

■ Pi Thanzami w/o R. Pachhunga (L), K-Sec. LRM Hospital-ah a lu a thi tling zai a ni a, damdawi in lamah enkawl mek a ni.

■ Pu Chalhmingthanga, C-Sec. chu Semi Stroke avangin in lamah enkawl mek a ni

■ Brandon Malsawmsanga s/o Lalrindika, K-Sec. Synod Hospital, Durtlanga awm chu a lo chhuak.

■ Pi Judy Lalrempuii w/o A. Lalfakzuala K-Sec. chu Synod Hospital, Durtlanga atangin a lo chhuak.

■ Ezra Malsawma Hrahse s/o Salem Lalremsiama (L), K-Sec. chu Nazareth Hospital-ah Dengue natna vangin enkawl mek a ni.

■ Pi Lianzami w/o Lal Chungnunga (L), V-Sec. chu hritlang awmnâ avangin in lamah enkawl mek a ni.

**KEIMAHNI**

■ Insawn avang te, hostel awm avang te leh thildang dang avangin MARYMA semtu kan inthlak chho nuk mai. MARYMA kan dawng lo palh a nih chuan Manager Pu Mapuia (Ph:9862365843) hnenah in report thin turin kan inngen e.

■ MARYMA Pass lawma certificate la lam lo kan awm nual a, Jt. Editor Nl. Lalrotluangi Zote te in RSC field bulah hian a lam theih reng a ni.

■ Pu Thandingliana, Fin. Secretary, RN YMA chuan kan room-ah light min rawn fit belh saka kan va lawm em.

**LOCAL COUNCIL**

■ **Vengchhung Mipuite Hriattirna**

UD&PA Department ten Ration card Eng leh Hring/ Pawl hmangtu chhungkua tan Socio Economic Profiling kan venga an rawn tih a, la tifel ve hman lo kan awm chuan karlehah hian Ramhlun Venglai Local Council House, Ramhlun Sub-Centre building chungah an tih leh dawn a, hetah hian va kal ve mai tur a ni e.

Ken tur :

1. Aadhaar card, mobile number nena thlun zawm
2. Mobile phone

Chhungkaw member kum 18 atanga kum 60 inkarte mahni ngei inlan tur a ni e.

■ Vengchhung street light te siamthat fel thawkhat tawh a ni a. Street light 50 chuang siam niin dah belh ngai laiah te dah belh a ni bawk. Tin, mahni thenawma street light tha lo te i/c Pu Lalmawizuala (Ph:8416045091) hnenah report thin turin kan inngen e.

■ Vengchhunga Security rawih te zan lamah an round thin a, zan lamah pawn light On tlaivar thin turin kan inngen e.

**KOHHAN**

■ **The Salvation Army:**

1. Ni 15.8.2025 (Zirtawpni) khan Ramhlun Corps SAY chuan ARC, Chhiahtlang leh Old Age Home, Serchhipah Free Medical Clinic an buatsaih.

2. Ni 15.8.2025 (Zirtawpni) khan League of Mercy, Ramhlun Corps te chuan Hlimna In, Saitual tlawhin Home mamawh hrang hrang an pe.

■ **Presbyterian, Ramhlun North:** Ramhlun North Branch KTP te chuan ni 18.08.2025 (Thawhtanni) zan hian Youth Night an hmang dawn a, Youth Fellowship te nen hun ang hmang ho dawn a ni.

**THILDANG**

Insawn: Pi Lalramlawmi w/o Rothangpuia, K-Sec. chu Govt. P/S Ramhlun Vengtharah sawn a ni.

**PAWL DANG**

Ramhlun North Electrician Association : Ni 15.08.2025 (Zirtawpni) khan an kum 15-na (Crystal Jubilee) pualin Ramhlun North Thlanmual, Zemabawkah thlan an lai a, chawhlui an kilho nghal.

MARYMA		PHEK 4-NA	RN YMA CHANCHINBU	
ARTICLE Zopari aṭangin Chìte-i -BCHA Khawhar in tawp zan a ni a, kan zai tui viau. Thenkhat chuan khawhar inah phone khawih sek loh tur te an ti a, kei ve hi chu darkar khat chuang chuang phone khawih loin khawhar in emaw mitthi lumennaah emaw ka awm thei teuh lo. Ka khawih mai zel. Mahse, ka zai loh phah ngai lo. Ka zai thiam lem lo nain, a ring thei fû. Phone en chung pawhin tui deuhin a zai theih alawm! Zorema Khiangte hla “<i>Khi Vanah Khian</i>” tih kha kan sa mêk, tichuan le, article ziah a tul thu ka dawng ta. “<i>Khi vanah khian kei ang tling lo rual, Isua kiangah kan leng ang a...</i>” tichung zelin ziah tur kan dap kual tan nghal a. Rilru a rawn lang erawh kan hla sak mek nen a va inpersan si em! YouTube aṭanga kan hmelhriat sap rama awm, an thlalak bak kan hmuh phak tak tak si loh “<i>Zopari</i>” leh “<i>Chìte-i</i>” tih vel te a ni daih. Leh daih si chuan, a va “<i>Khi vanah khian,</i>” lo thei tak! Zopari leh Chìte-i te hi an nu te YouTube channel aṭanga ka hriat ve ve an ni a, ka nupui nen an channel a video te kan en dun fo a, hmuhnawm kan ti thei fû. Zopari chu kan hriat hmasak zawk a ni a, USA-a Connecticut state a cheng an ni a, a nu Mizo, a pa hnamdang a ni awm a. A hmel leh pian te pawh a ṭha vei phian a, hmai hriam lampang, ria lam deuh, tunlai ṭhalai tam takin hmel leh pianah pawh chutiang chu an duh tur ang chi niin ka hria a, kei pawh ral khat aṭangin, nupuite hriatpuina thlapin tunlai ṭhalaite zingah chuan ka lo tel ve deuh reuh a! Tichuan, kan TV-ah Chìte-i a rawn lang ta heu mai le! Ani chu khawvela ram mawi berte zinga mi, Norway-a Grimstad khua a cheng an ni ve thung. Chìte-i pawh hi a nu Mizo, a pa hnamdang tho a ni. Nula hleitling zeihzawih, hmai hlai bial lampang, mitmeng chiang kâk mai, Mizo ten ‘<i>ria-chawm-bat</i>’ kan tih ang chi a ni a, a hmelah Mongolian thisen bakah Scandinavian thisen kai a nihna chu a inpawlh mawi riau a ni. A infiammi viau a, volleyball ben te pawh a timi zêk a, a intinoin, a ti òm òm òm lem lo a, a inti-nu miah lo a, mahse, a nu tlat tho si! Eh! Norway sawi takah chuan anni hi hnam huaisen leh mi hrat kawkheng, ral do mi, Viking thlah kal zel kha an ni. Superhero lamah pawh pachak eltiang, a tuboh hmanga hmelma te tudai ṭhin Thor pawh hi Viking pathian a nia aw! Chìte sawi leh tawh ang u. Chìte chu maw, a hmel a <i>smiling face</i> riau, a nui deuh sen sen lai hmuh tur a tam a, chu chuan a duhawmna leh ngainatawmna a belhchhah. Saphoin “<i>Smile it increase your face value,</i>” (i nuih tam zawh poh leh i hmelṭha telh telh ang, tihna ni maw!) an lo tih hi a dik teh e. Ṭhatna leh duhawmna lamah an lan dana intluk tawk viau pawh ni se nui hmel pu tam zawk na na na chuan ngainatu an ngah zawk a nih pawhin thil mak a ni hran lo ang. Miten “<i>Sakhmelmawi</i>” an tih tur ni hauh lo te pawh hi, an smiling face viau chuan duhawm rûk riauna an nei mai ṭhin a lo ni. Chuvang chu ni maw, keini nupa pawh Zopari aṭangin Chìte-i-ah kan pakai ta deuh tlat. Zopari chu a <i>smiling face</i>-lo kan ti deuh a ni! <i>Smiling face</i> lam chu kalsan leh ta rih ila, sap rama cheng te hian thawh hreh hi an nei vak lo a nih dawn hi. Zopari leh Chìte te pawh zirlai mai an la ni nain mahni mamawh tawk thawkchhuak turin an hun awlah chuan an inhlawh ve lawp lawp ṭhin a, hnathawh an zak lo a, hnathawh loh kha zahah an la zawk a nih hmel riau. Chìte-i pawh vur zuar ten an inhlawh ve leh lawp lawp ṭhina, chutiangin Zopari pawh hi dawr nghak ten a inhlawh fo. Heng nula pahnih te hi a <i>entertainment</i> zawnga kan thlir mai piah lamah entawнна tur an tam viau a nia. Engpawh chu ni se, a tawp khar nan, Mizo kum 18 aiin sap kum 18 hi an upa zawk a niang, a tlangpui thuin an puitling zawk tlat zel! A mak ngawt mai!		ADVERTISEMENT KC TUI (10-4) Tui thianghlim, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462 SEPTIC TANK KHAT & REPAIR <i>Septic tank khat paih leh repair kan ti thei reng a, rate chu inbiakremna a ni ang.</i> Contact: 9612376373 C/o Marina: 9436140350 (5-4) SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364 (10-2) JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate inbiak remna. Registration: MRS 542 Contact: 9862476439 / 9436199884 (10-2) KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e Contact - 9862344971 Bawngkawn South (20-12) L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip Ph.6909183193 (30-11) COMPUTER CLASS FREE ADMISSION CCA/DCA December exam turin Free Admission hawn mek a ni leh ta e... Free Study Materials. Free PC Hardware Maintenance & Windows/Software Installation. Mon - Fri Class kal hman lo tan Saturday-ah Class a kal theih bawk e. Class timing 7:00am - 6:00pm (Mon-Fri) HI-TECH INSTITUTE OF COMPUTER Zarkawt (Near Traffic Point) & Ramhlun North (Industry peng. Opp. Traffic point) 9862343182 / 9089612701(WhatsApp/Call) JOJO COMPUTER INSTITUTE (Govt. Approved Institute) Chanmari, Ramhlun Road, Near Treasury Computer zir duh tan DCA course-ah free admission hawn mek a ni e. Computer zirna hlun leh experience nei tha, faculty tha tak nei kan ni e. Admission hi online pawhin a tih theih a. Textbook a free-in pek zel an ni; website changtlung tak mahni inzirma tur kan nei bawk. Ph/Whatsapp: 9612728031, 9612359711 ZCD ELECTRICALS Electric bungrua chi hrang hrang GEYZER, ISTIRI, OVEN(OTG), HEATER, LED LIGHT, FAN kan kawl e. House wiring pawh kan tih sak thei e. Kan hnena bungrua la te discount kan pe zel e. Proff Contract kan ni a . Wholesale leh Retail in kan pe thei e. Add:- RAMHLUN NORTH , LAD OFFICE OPPOSITE SUMO STAND BUL, PH :- 9862344138		
Published & edited by Eddie Lalfakzuala for and on behalf of Ramhlun North Branch YMA. Copies- 1,270				